



29.Sept 2022

UKA2022/126

Inissianik attartortitsisarneq pillugu Inatsisartut peqqussutaata allanngortinnera pillugu Inatsisartut inatsisaat nr. xx, xx. xxx 2022-meersoq.

(Ineqnarnermut Attaveqaasersuutinullu Naalakkersuisoq)

Siullermeerinninneq:

Inatsisartut peqqussutaata tassalu ineqnarnermut inissianik attartortitsisarneq pillugu peqqussutip allanngortinneqarnissaa saqqummiussaq oqaaseqarfingissavarput.

Inissiat Namminersorlutik Oqartussat taamatullu kommuunit inissiataasa amerlasuut ilaatigut aserfallalluinnarsimasut tamatta amerlasuutigut ilisimavarput, tamannalu atuisunut tassalu attartortunut najugaqartunullu amerlasuunik assut ilaatigut peqqissutsikkut kingunerlutitsisartut ilisimavarput.

Namminersorlutik oqartussat inissiaataasa, aammalu kommunit pigisaasa amerlassusiat ataatsimut katikkaanni 11.574-it missaani amerlassuseqartut oqaatigineqarput, amerlanerpaat Namminersorlutik Oqartussanik pigineqarlutik.

Ukiuni makkunani ineqnarnermut akit aammalu illut aserfallalluinnarsimasut takugaanni ilaatigut pitsaasussiannut attartorneqartut isigigaanni attartornermut akiliutit qaffasippallaartut amerlasuunik oqaatigineqartarput.

Tassami inuit aningasarsiorerat isigigaanni sulinermikkut isertitaasa amerlanerpaat ilaatigut imminnut artorsillutik ingerlaniarsaripput, naak ineqnarnermut tapiissutinik aamma pisaraluarlutik amigartunik aningasarseqqinnissamik tungaannut inuuniarnikkut atugaat oqitsuinnaaneq ajortut attartortut nammineerlutik ersarissumik oqaatigisarpaat, tamannalu nalilersugassaavoq ilumut taamak aserfallassimatigisut taamak qaffasitsigisumik akilersuisiinnavissallugit.

Uani inatsisartut peqqussutaani allanngortinneqartussami siunnerfigineqarput ineqarneq pillugu Maalaaruteqartarfiup aalajangiisinjaatitaaffinnik annertusitinneqarnerata naleqqussarnissaa taamattullu saqqummiussaqarneq isumaqatigalugu oqaatigissavarput.



Naleraq

Uanilu saqqummiussami attartortut pisinnaatitaaffnik pitsangorsaanissaq tunngaveqarpoq neruti-gaarpullu tassani attartortut pitsaanerusumik illersugaanissaat tunngavigalugu pissutsit ilaatigut at-tartortitsisunik qaanngiinnarneqartartut attartortut illersugaanerulererannik kinguneqarluarumaar-tut.

Tassanilu ilaatigut attartortut attartornermut akiliutip qaffannissaa pillugu piumasaqaat akueriu-manngikkuniuk attartortitsisumut allakkatigut akerliliisummik saqqummiussissaaq taamatullu pi-umassaqassaguni attartortoq suut akuerineqarsinnaannginnersut allallugu saqqummiunneqassaaq.

Tassami amerlasuutigut illut aserfalluinnarsimasut matut igalaat ussiitsut imaluunnit oquttut na-joraanni tamakkua naammagittaalliutigineqarsinnaapput attartornermut akiligassat qaffanniarneqar-tut isumaqaraanni akiligassaq qaffaaffigineqarsinnaanngitsoq.

Ukiut kingullit naammagittaalliortarfimmi suliarineqarsimasut amerlagisassaanngivipput illut attar-tukkat amerlassusiat ataatsimut isigmaanni. Ineqartut naammagittaaliorsinnaanerannut tunngasoq isumaqarpugut attartortunut qaammarsaassutigilluartariaqartoq periarfissallu aammalu suliamik aal-lartitsiniarnermi suleriutsit qanoq atorneqarsinnaanersut innuttaasunut apuulluartariaqarmata.

Taamatut oqaaseqarluta ataatsimiititaliami suliarineqarnissaa innersuussutigaarput.



Naleraq